

INFORMACIJA - Centar za vakcinaciju Emden

Kako da zakažem termin u centru za vakcinaciju?

Ugovaranje termina se može izvršiti samo putem telefona na navedeni broj: 0800 99 88 665 ili preko internetskog portala www.impfportal-niedersachsen.de. Termin se nemože ugovoriti preko centra za vakcinaciju ili putem telefona za građane grada Emdena.

Ko će se vakcinisati i kada?

Savezna vlada je izdala pravilnik o vakcinaciji protiv korone kojim se definira redoslijed vakcinacije. Više o tome mozete naći na internetskom portalu www.niedersachsen.de/coronavirus

Gdje je centar za vakcinaciju?

Centar za vakcinaciju u Emdenu se nalazi na stražnjem dijelu dvorane Nordseehalle (Früchteburger Weg 17-19, 26721 Emden). Pristup se regulira preko ulice Sielweg i tamošnjeg parkinga. Na dan vakcinacije autobusom možete besplatno doći do i od centra za vakcinaciju. Sve što trebate je pokazati pozivnicu za termin vakcinisanja.

Šta moram ponijeti na vakcinaciju?

Donesite obavijest o zakazanom terminu, službeni dokaz identiteta sa slikom (npr. Lična karta, pasoš, vozačka dozvola) i vaša vakcinacijska karta (ako je dostupna).

Ako je moguće, ponesite popunjeni "informativni list" i "obrazac za anamnezu i saglasnost". Ako ova dva dokumenta ne ponesete sa sobom, možete ih dobiti u centru za vakcinaciju. Dobrovoljni asistenti za vakcinaciju rado će vam pomoći u ispunjavanju dokumenata. Preuzmite dokumente sa www.emden.de/impfzentrum

Kojim tokom se vrši vakcinacija?

Molimo Vas da obavezno na vrijeme dođete na svoj termin. Pristup ćete dobiti samo u vrijeme navedenog termina. Ispred centra nema natkrivenog prostora za čekanje.

Prvo ćete biti prijavljeni u centru za vakcinaciju. Za to su potrebni navedeni dokumenti. Vaša temperatura se takođe mjeri. Na drugoj stanici zaposlenici provjeravaju i obrađuju dokumente. Zatim idite u čekaonicu. Nakon kratkog perioda čekanja, liječnik će Vas pozvati na ljekarski razgovor. Bit ćete detaljno obaviješteni o vakcinaciji i možete postavljati pitanja.

Ako se Vi i liječnik složite sa vakcinacijom, otići ćete u jednu od četiri kabine. Tu se vrši vakcinacija u nadlakticu. Poslije toga, Vas molimo da se zbog promatranja još 15 minuta zadržite u čekaonici. U centru za vakcinaciju ćete dobiti termin za drugu vakcinaciju; ovisno o vakcini to će da bude u razmaku između 3 do 12 sedmica.

Aktuelne informacije možete svakovremeno pronaći na www.emden.de/impfzentrum

12. februara 2021

Bosnisch Kroatisch Serbisch